

永春縣志卷七

建築志

序曰從來郡縣之立猶古邦國之建凡以爲民圖安慮危體明理幽之道有一不備不可以爲治永春處萬山間風尙淳樸其規制恆簡又中更多故官廨屢見修舉至清乃整齊畫一規置漸具逮升列直隸州後事兼兩屬經制滋多其後先擘畫之迹固具在也爰將歷代出治敷政所經營者編而次之以備後來振廢締新之鑑非徒以彰往蹟表宏規已也

公署

試院

學宮

學署附

永春縣署在大鵬山之南宋開寶二年邑令林滂建淳熙六年

永春縣志

卷七

建築志

一

邑令林叢改創後令陳宏規踵完之後燬於火令陳珙林光庭梁垌相繼修治元至正元年方建翁重建十四年燬於鄰寇縣尹盧琦重建後縣令姜明安答兒等增建明洪武四年知縣蔡暹重建永樂十五年知縣溫琇重修正統十四年復燬於寇景泰元年典史陳受建儀門譙樓四年知縣車政建正廳及後堂省志天順二年知縣張銘建成化十八年圯於水知縣方敏重修宏治十一年知縣周庠重修正廳幕廳正廳西爲清軍館又西爲縣衙衙南爲縣獄幕廳南爲典史衙衙南爲預備倉倉南爲吏舍正德十五年知縣楊太古建後堂三間十六年建旌善申明二亭於縣前左右嘉靖二年知縣柴鑣修葺後堂建庫房於後堂東偏

改儀門內真武廟爲儀仗庫三十九年燬於倭寇僅存後堂四
十一年知縣林萬春建衙宇三間東西廊各一四十二年知縣
謝裘建庫房二間吏房隸亭各一隆慶元年省志作九年知縣劉三

錫建縣堂幕廳庫藏兩旁卷房大門及典史衙清順治三年寇

燬知縣鄭名重建雍正十二年升爲州乾隆十八年知州杜昌

丁葺而新之卽舊倉址建敦復堂四十四年知州朱景英建嘉

蔭亭在署後圍垣內舊有古樟一株近焚四十九年知州鄭一崧建鴻雪齋計三間擴

敦復堂基建之齋後晤言室一前建迎喧亭亭後爲月舫三間五十二年復於二堂之右建桃

霞硯席二重七間同治八年知州翁學本修葺至宣統時漸有

敝壞沿及晚近大堂左右幾全失舊觀矣宋陳知柔永春縣治

永春縣志

卷七 建築志

二

紀略 古君子之爲政不於廣地而在於得其民得其民小
都偏邑可以有爲不得其民雖緜數千里奚益哉秦開百越
而郡縣之漢以下復以閩甌內屬其地廣矣而未有法制也
我宋聲教之暨踰江而南百里之封皆立社稷而堂庭門闕
之制如立子男邦民亦戴之不敢有貳此吾泉永春之所建
也謹按皇祐九域志縣作寶曆元年此說與各書均不符而圖經先爲
桃林場昭州刺史盛均嘗記之韓內翰偓泰隱君系輩往往
題詠自此爲壯哉縣文人儒師相踵出焉縣治主鵬山繇大
羽峯下臨長溪直子午水流巽陰陽家以爲最勝久之寢敝
丙申冬十一月邑令莆田林公叢建伐木於山鑿石陶瓦於

野皆不賦而辨戊戌冬林公以家艱罷明年春臨漳陳公宏規至終其事陳之父舊從予遊與其子俱好學少年獵科第長於吏事所至卓然有聲邑人以是愈敬之初林公以書屬予識歲月曰公平時持正論不妄與人是可以書之否乎嘻作事難書事尤難春秋作一臺新一廢必書以不宜作而雉門南門之作蓋許之亦寓微意焉公既以得人心爲是舉且優游閒暇不僭不逼當直書以傳遠又奚疑元 盧琦永春縣治記 縣隸泉郡七屬永春山水之秀視他縣爲最以志攷之是地爲桃林場晉天福間始升爲縣縣治背大羽而面象山下臨長溪陰陽家爲最勝者也公署重建於至正元年辛

巳時監縣鎮奴尹方建翁典幕貞仲也十四年夏六月毀於鄰寇剽掠所在焚蕩予與賢士呂用賓父子僚友伊守禮暨諸慕義者大集民兵擊之民胥用命屢戰克十五年乙未春三月寇平官曹卽他所理公事民復業者往往依村落以居市井蕭如過者太息是年秋耆老數十人踵門告曰公署百里民望所屬久廢可乎且自君失之自君復之不亦善乎予喟然歎曰事有廢興是固當爲然民病未甦恐未可爲旦夕當代恐不及爲父老請弗置遂許之於是富者輸財貧者輸力九月興工木石陶冶之匠各効其技命邑士顏希道督之乃作廳事後堂總爲間十廳事之西爲江黃二公祠東爲幕

所翼以吏舍表以儀門堂故卑溼爰積土而增崇之前爲庭後爲軒左右爲房凡淺深廣狹之制陰陽向背之宜一仍其舊而高明稍過之人咸謂其規模之偉也時縣尉趙居仁陳巖砦巡檢方純亦各以其廳宇來白且告乏焉余念其役不可輟因以邑民所輸助者分給居無何而二司之署亦成矣旣而衆復以譙樓爲請乃併作之曾未就緒而予改調之寧德矣他若犴獄倉庫庖湍之屬凡所宜葺者不暇葺而去蓋十六年丙申冬十月也嗚呼余作邑垂五載方其始至也天下承平境內無虞日與士庶共享優游暇豫之福安知鄰寇之禍若是烈乎拊摩於瘡痍之際營繕於煨燼之餘錢幣法

永春縣志

卷七

建築志

四

舛工傭費巨安知今日之事應其苟完乎余旣不能守固封疆貽我民荼毒復勞我民以就茲大役寧不得罪於我民乎嗚呼其亦艱哉抑亦不得已而爲之也與我同志者圖維厥終則匪獨余之幸斯民之幸也匪特一時之功千百年之功也故余始書此以識歲月而尤不能無望於將來云爾

州同廳在大堂東偏舊爲典史廨雍正十三年知州杜昌丁建

近今廢

清

黃道愨重建永春分州衙署記

永春古桃源地唐

宋以來隸泉郡爲屬邑我朝雍正十二年升爲直隸州衙署學校概仍舊貫而州佐署卽昔縣尉廳事庠陋湫隘且歲久傾圮風日不蔽蓋緣俸薄力微以改造展拓爲難因陋就簡

率五十年於茲辛卯夏予膺簡命佐理是邦念莅政伊始衆情未洽計數十年難集之功豈克舉于一朝哉遲回久之越歲時和年豐爰集州人士諮度修理割薄俸以倡并爲傾助者勸僉曰是不可緩也夫閭里邨舍稍有蓋藏尙謀安堵計久遠矧分署佐理宣猷亦一州待治之所顧坐視其漂搖風雨其何以堪用是欣然響應隨力醵金庀材鳩工推練達董其役卑者崇隘者廣自堂至宅前後左右若干椽寸木片瓦不惜手畫重建一新視向之坐井一旦爽塏改觀是役也輸財者不吝效力者志勞永人士之仗義急公於斯可見自是簿書期會得有所蒞以受成退食燕息得有所息以思職諸君子倡導之誠督率之力豈不足以昭盛美而示將來哉明年夏河工興諸董事又以奉公興修西壩余忝監督復得與諸君相集益焉是爲記

吏目署在大門東偏州同署之前當武廟後舊爲寅賓館雍正一十三年知州杜昌丁改建今廢

督學試院行署卽舊明倫堂雍正十二年升縣爲直隸州權於明倫堂作考棚歲科兩試學使按臨駐學正宅班役寓訓導宅教官暫僦民舍試竣復舊乾隆十七年學使欲除童生重考積弊嫌其地隘知州杜昌丁請將崇聖祠移建大成殿後其址爲訓導宅以舊訓導宅地添建號舍明倫堂及兩廊可容一千八

百餘人一場扁試而童生重考之弊絕三十二年知州嘉謨始別建明倫堂於大成殿之東文公祠之前并移附兩學署於後以舊明倫堂爲學院大堂以教諭舊署基建學院二堂并建仰高樓房屋於二堂之左重新大門轅門鼓亭二并提調官公廨又增廣西廊一層號舍更寬道光間林時青修考棚光緒間林春慶重修之加椅桌架光緒季年科舉停罷州同吳佐熙爲中學校監督宋淵源爲監學卽考棚改建中學校工竣自梅峯書院徙駐焉入民國後鄭玉輝鄭翹松繼爲校長迭經改建至戊午地方多事軍旅數興省立第十二中學校還設梅峯試院行署遂常爲軍營清嘉謨永春州新建試院記 永春舊隸溫陵

永春縣志

卷七

建築志

六

自雍正十二年升縣爲直隸州由是學使者歲科按試仙源花郡中星輅臨焉然始固未嘗構試院也權於學宮明倫堂爲考試地而學使所寢息卽於廣文衙舍居之其在東西兩廊生童坐號僅容七百餘人前州刺史杜公拓其西廊一隅已可坐一千八百餘人而限於地扁試者輒拳曲案間如肩相摩也歲丙戌韓城王公視學此地與余謀所以拓之余旣與州紳士有梅峯書院之倡建因復以試院商焉夫書院之立所以修其教也而試院之設所以考其成也維時州紳士忻然樂從用是因地制宜移明倫堂於文昌閣後廣文署卽附焉仍於是地西偏價買民房一座縱橫十餘丈闢之爲號

舍乃恢恢乎有餘地矣院之前置提調公廨一鼓亭二院之後置廳事五間又東爲仰高樓樓上下十四椽規模宏敞爲之煥然一新然吾竊思是地也依附學宮之西瞻望聖域爲至近學者志聖人之志言聖人之言蓄道德而能文章當自命爲海濱鄒魯之英而持衡文教者皆當代斗山之望將於修辭見其立誠美無不錄才無不搜鸞鳳杞梓並集一時則所以佐聖世人文化成之盛者又於茲焉在矣是舉也諸紳士捐鏹襄役共費白金二千六百有奇經始於丙戌冬十月落成於丁亥之春三月謹記

學宮在今縣治東宋慶曆間始建於東渡橋西大觀四年縣令

永春縣志

卷七

建築志

七

留鎔遷於知政橋北紹興七年縣令方漸遷於州西官田市二十七年縣令黃瑀新學門闢衢路作亭曰豁然鐫詞以勵學者淳熙九年縣令陳宏規闢講堂新廡門增弟子員元延祐間縣尹李文崇修

舊邑志又有趙鎔查職官不載無考

至正十二年縣尹盧琦建戟門

櫺星門修明倫堂左右四齋鑿池甃石中經寇亂至十五年始成明永樂十二年知縣溫琇正統十二年僉事陳祚成化十八年知縣方敏相繼修建弘治間知縣周膺改建大成殿及名宦鄉賢二祠備祭器五年同知于茂遷於治左今南門內嘉靖五年知縣柴鑣改遷於縣北白馬山之陽三十一年知縣羅汝涇復遷於官田市舊址造兩齋曰居仁曰由義號舍二十八植三

十九年燬於倭寇四十四年知縣謝裘仍建於州治左舊地中爲先師廟前爲東西廡爲露臺甬道廟門泮池砌扶闌以石萬曆間知縣范時化建尊經閣隆慶五年知縣陳九儀建啓聖祠及鄉賢名宦二祠明倫堂及儀門清順治四年寇燬州治惟文廟僅存康熙元年知縣馬生鱗重修二十一年知縣鄭功勳教諭蔡祚週重新之四十三年知縣曹鑛修葺五十三年大風雨殿宇傾塌知縣石如金重建雍正二年知縣于翰翊教諭張壽介葺而新之櫺星門外左右二坊一曰聚奎一曰毓秀毓秀坊久毀乾隆十年知州杜昌丁重建十七年知州杜昌丁移建崇聖祠于大成殿後以其地改訓導宅訓導舊宅址並前隙地充

永春縣志

卷七

建築志

八

設考棚號舍三十二年知州嘉謨建試院擴充號舍明倫堂及學正署訓導署並移建於大成殿之東卽朱子祠及文昌閣前後地拓而合之文昌閣後爲明倫堂堂後爲訓導署朱子祠之後爲學正署南北與文廟等東西差狹其前門額曰儒學其西垣介文廟爲廣巷前後巷口各樹下馬石碑至清季學官廢學署及明倫堂改設爲官立小學校民國因之戊午後亦因兵亂移徙宋何大奎永春新學記 永春之學在縣之西官田紹興六年左承奉郎方侯所作侯忠信愷悌如古循吏所至以治聲聞視事之初諸生以舊學卑陋請於侯以新之侯遂命考景營基鳩材彙工無毫髮擾百姓始於是年之春而冬落成

焉人感侯無窮也來求文以具載本末竊聞古之學校始於虞舜沿及三代凡養老饗賓聽訟取士無不出於學三代長久之治賴之以成故其時君子常多小人常少雖春秋之世王澤衰微子產猶知鄉校之不可毀蓋去古未遠也逮至暴秦盡掃除之漢雖尊尚儒術而學校僅興於蜀東漢猶未盛焉唐之學名存而實去終莫盛於三代士於是時不知務本仁義既廢政不出於學學無補於國求所謂忠厚長久之治非學校無以教天下此永春新學之所以興也今仁聖勵精求治真堯舜三代之主方侯新興學校倡明教化諸生思侯之意豈爲記問章句徒事空言而已始於身行於家達於天

永春縣志

卷七

建築志

九

下正心誠意致君於二帝三王之上則侯之意也若夫揭櫫計工誇美溪山之觀則非侯之屬於大奎者紹興七年二月八日又陳知柔重修學宮記 洪惟我國家以文治天下儒風翔起迨慶曆間庠序徧于郡邑吾永春始建學宣和罷舍法學寢弊而地卑隘士不安之紹興初邑宰莆田方侯漸乃遷於官田就爽塏也惟一草創久之復敝今宰清漳陳侯宏規率諸生修之殿巖巋然仍闢講堂沿及廡門奕如也於是詠而歸者日滋復增弟子員而課程如初嗚呼其規模遠矣侯求文以期不腐知柔蓋嘗寓講席於斯也喜巒校之重振猶懼夫學者未知所以學謹爲之銘曰若古有學達於海隅

黨庠之制初無僭踰廟吾先聖翼以其徒立師弟子卓然規模維泉七屬桃源最備翕然文風其興罔既英英蔚起以儒飾吏春秋奠謁升堂歎喟蠹椽欹棟旁窘雨風講不安席居無肅容殿巖微缺祀事弗崇欲葺新之靡然景從貫兮仍舊校亦增員道學之重孰爲後先文學游夏德行淵騫博文約禮以窺性天咨爾衿佩仰高鑽堅庶幾繇此勿替薪傳吾道南矣來者勉旃淳熙九年月日知柔記此文鄭志弗錄殆因末章傳寫訛脫不能泉之

句故置之歟然簡貴典則實爲諸元

記之最故僭以意補數語存之 盧琦永春學記

泉之

西百三十里置永春治之西五里置學稽諸邑乘學舊在縣之東宋大觀迄紹興凡再遷而後定元至正十二年壬辰春

永春縣志

卷七

建築志

十

三月予始蒞縣事卽謁學教諭高仲舉及學職陳龜等進而言曰是學歲久隨葺隨壞宜更理之顧租入之薄猶不足以供祭祀瞻書生如營繕何余喟然歎曰彼釋老氏之宮布滿天下在在壯麗今天子右文而聖人之居卑陋若此其曷以副尊師之意矧余方以教化理斯邑而學爲教化所出尙得辭其責乎於是邑人之好義者如陳惟孝等僉謀曰令方有事於學吾黨當協力相之以速於成毋俾令獨勞也居無何粟盈於倉楮積於帑是年夏六月首作戟門五間高與殿稱距戟門四丈有奇建櫺星門以臨通衢與戟門稱戟門之左爲祠以護學其祠左爲亭因故址而加崇焉亭舊名思樂今

榜之曰光霽重修明倫堂暨左右四齋柱之腐者易之棟之
燒者更之俾可久堂之東西各有庫西以藏經史而學宮之
署鄰焉東以藏祭器而魁星祠密邇焉堂之西構儀門與兩
廡接爲間如戟門之數儀門之外鑿地爲池甃石以瀦水跨
橋其上環以闌楯謹繪先聖及從祀像而并華其殿由殿而
廡由廡而門悉加丹堊十四年夏五月安溪寇作六月侵我
疆官署民廬咸毀於火而是宮巋然獨存旣而義旅官軍棲
止廟旁余方與弋甲臥起弗暇顧也十五年乙未春三月寇
平民獲休息乃復召工傭補頽敝戟門之外砌石爲庭而種
樹于其側櫺星之外築牆二十丈以障其前徙興賢省元二

坊于道之左右以相望焉蓋至是而役告畢矣又以士之無
以爲養也復勸陳光輔等捨田若干以廩之祭器之未具也
復范篋篋製籩豆以用之秋八月上丁祀克如禮旣闋宴于
堂上羣賢具在教諭鄭大同及邑士顏寧助等請曰某等董
役于茲與執事相周旋殆將四載中更禍亂尙賴先靈在天
之靈獲就緒矣今者釋干弋而執俎豆舍甲冑而被衣冠雍
容揖讓於禮樂之地顧非幸與願記之以示來者余聞之學
所以明人倫也夫人倫有五君臣爲首所係尤重聖人教人
爲學之意不可見乎永春承平日久民不習鬪寇乘其無備
而掠之邑大夫士一旦忿而起慨然仗義興兵爲國家出死

力其細民亦奮焉決命於鋒鏑之下而不暇恤其身以攻則克以守則固寇分道闖吾境大小三十餘戰而竟不能入尺寸蓋衆志成城咸知尊親之分不可一旦廢故能臨危舍命有不待勉而爲之者豈非平昔服習聖人之教而然哉然則學校之設其有功於世大矣今百里寧謐而吾與君得以相安於無事寧可忘其所自耶諸君第以營繕之顛末求予文而不知予之所記殆有重於此者土木云乎哉輪奐云乎哉衆咸曰然遂書之明蔡清永春學廟記 道原於天賦於物具於人盡于聖人而集大成於夫子夫子之道不見於治而見於教教行而治舉矣是故六經未作之前一世得一聖人

而僅足六經既作之後萬世得一聖人而有餘此後世之教者所以一宗乎夫子而天下學校所以通祀而無間也吾泉永春邑于萬山間其俗樸可愛秀民可教者多考志宋世登進士第及特奏名七十餘人不可謂其地不生材其間如留公正莊公夏黃公偉其所樹立又不止一邑之望也而二百年來寥哉闊焉豈其氣運之往而未復歟抑待司教者之振起歟學宮故在縣治五里之官田市其興修因改始末前志備矣歷年既久撓敗殊甚間或有所修治又急於師生之居止至於大聖人及羣賢棲神之地吾人日夜瞻依以萃其敬心者顧乃視以爲後焉嗚呼是獨可後也乎哉弘治某年武

進周侯廡以名進士來爲宰顧廟貌敝甚慨然久之亟捐俸以倡士民爲更新計士民戴侯仁樂趨之選耆老督其工遂改建大成殿五間高深各四十尺而廣倍之建兩廡各五間視殿制高減十尺深減十五尺而廣減其四十有一尺戟門高廣與兩廡並櫺星門高二十尺而廣與戟門並殿中塑夫子像四配十哲次於旁各依其封爵之服兩廡諸賢各置木主主皆侯盥潔親書之殿下階庭甃以石中爲正道櫺星門外闢以坦道門之內東建景賢堂三間以祀鄉先生及名宦西建省牲所及庖廚亦三間自殿及堂咸彰五采焉又改制神案及香鑪各十有五籩豆簠簋牲匣帛箱之類各如數爵

以銅鑄凡三百六十有八始於甲寅歲之五月至乙卯歲臘月而成侯乃盛禮樂以落之永春文廟之規模於是乎一新器數於是乎大備觀聽於是乎改嚴聖道於是乎增輝士心於是乎振起而周侯之所以崇道作人之心於是乎少伸矣教諭吳君等以書屬清爲記且述侯言曰此職分內事耳然吾所以得就是者實督憲副韋公斌少參熊公祿郡守李公哲主張維持力也不然職所當爲心所欲爲而以掣肘不得爲者天下何限也噫當爲欲爲而不得爲者諉之人可矣若夫學者之事則有欲爲而必得爲且上之人常懸賞以勸其爲者而顧或不爲焉亦何以學聖人爲哉此蓋周侯所以拳

拳廟學之本旨歸趨所在也并以諗吾鄉諸俊彥云又林俊

莆田人明史有傳

永春新學記

國家設學以居俊秀以拔賢斂才

焉學學孔子也孔子學不厭誨不倦學者由博文約禮強志而篤行以庶幾升堂入室非徒冀效靈于山川也永春溫陵隸邑南宋人文肇開繼以晦翁北溪之指授先後尤拔者七十人留公正莊公夏其最顯者迨後頗失舊觀廟學漸圯士民請遷令臨海柴侯鑣以時警也待之嘉靖甲申又警大巡簡君霄檄諸道兵平之侯上賞士民復請遷侯曰學宮獻功之所武息文興時哉白督學邵公銳分巡曾公鵬暨郡守某公擇地白馬山之陽協同卜筮倡以義舉起乙酉臚臘歷歲

永春縣志

卷七

建築志

十四

週功以成告師生具書圖來莆請記予老謝文事然蓋福碧坑祖蛻具在族埔頭大丘固永民也人文之興其無心愛乎哉永之學四徙矣興衰迭運數或有然者僖公泮學之修魯人頌禱之詞曰在泮飲酒永錫難老繼之以敬明德慎威儀廣德心化多士而終之以服淮夷永之頌禱無復易也抑學新也尤在夫人之新士先志志先道道先學以必求聖賢爲歸澡身浴德自新而新民致類成化以收得士之用世道幸賴焉亦孔子徒也又顧珀晉江人永春重建文廟記 永春泉屬邑也東去泉百三十里峯巒秀拔溪澗澄清佳氣萃焉其文廟學宮遷建白馬山嘉靖丁酉夏四月丙辰文廟災知縣

伊君蕙震惕申警災乃熄宣言於衆曰文廟妥聖而學作人
獻功所也可緩乎哉亟圖上其事當道是之尋視篆同安越
明年戊戌秋得代還乃擇日祭吉鳩工庀材紀勞計費燦然
有章經始于是年之冬明年正月落成焉廟廡翬飛宮牆壯
麗門庭軒豁煥然爲一方偉觀是舉也工出於募不征於夫
家財出於勸不假於賈市費出於伊君俸金尙義之士不煩
於誅求集此大役民無厲也猗與休哉教諭翁君爵訓導鄔
君學來請記於戲夫子之道之大治化所自出萬世賴之者
也歷代尊崇之典可稽已我朝又加崇祀禮比郊社豈非以
功垂萬世與天地並乎所謂自生民以來未有夫子也是故

學校之興廢關人才之盛衰國家汲汲興學豈真爲觀美哉
期於修己而用之以治人夫修己治人之方吾夫子詔我後
人者詳矣爾多士素所講習躬體而力踐之以奮庸熙載庶
無負國家興學養士之意哉又 吳遵永春學記 余嘗閱舒
元輿之問慨學校之弗振及觀勸學著頌立學興歌始羨王
殷造士之烈譽髦彬彬固然哉永春溫陵隸邑宋時科第之
盛爲諸邑冠學宮在西門之官田嗣是盛衰迭運遷徙靡常
人文寢失其舊南海羅侯汝涇來吏茲土宓琴致理懇意作
人以山鳴井沸卽議遷復嘉靖辛亥予爲閩之長樂令以公
務至永春入其境俗樸民康入其邑政簡事理入其學雋士

濟濟陶之皆爲國器侯諗予以圖遷遂偕至官田舊址登巔
四眺羣峯蒼蔚溪流湍遶予顧謂侯曰維嶽降神篤生申甫
眉山毓秀間出三蘇留忠宣莊少師銘勛鐘鼎其地靈人傑
之徵乎侯欣然颺言曰苟利賢俊殫力圖之遂呈其事於監
察御史曾公佩清軍御史沈公寵督學朱公衡咸允其議侯
先捐俸邑之尙義者樂輸財以犒役始於辛亥之冬壬子冬
落成中爲先師廟別兩廡於東西居仁由義齋在焉翼以號
舍二十八間爲講肄之所前爲戟門旁建二祠以祀鄉賢名
宦又前爲櫺星門文學廨在左敬一亭啓聖祠省牲所在右
大鵬聳立魁星拱翠其壯八閩之偉觀乎余奉命巡於江右

永春縣志

卷七

建築志

十六

侯以書命庠生劉天麟來屬予記之鷺車方入政務叢焚然
以瞻以儀頻誦宣聖之廟碑而成而明夙聞國學之壁記矧
三台勝地戴星聯壤予固知侯之深者義容辭哉於戲聖人
之道載於六經萬世不易者也官田山川佳氣攸萃萬世不
遷者也方今國家運隆側席徵賢諸生離經辨志知類通達
異時拔茅連茹熙庸濟世俊民用章遠邁宋代其不爲山川
增重耶詩曰無小無大從于公邁以是爲侯頌傳曰賢才出
國將昌敢以是爲諸士望焉又李開藻永春縣學碑記 上
御極四十有三年采廷臣議令天下鄉試士各增貢額有差
先是邑令夏侯數條上學使者請加邑士子入學名數邑雖

小士淳龐知鄉學得報可侯旣擢守鄧州邑博士弟子咸言侯垂意人文適符上旨及他所廣厲作率甚多非徒修舉故事塞明詔不可以無紀於是李子開藻作詩以頌之頌曰明明天子久道作人聿恢周網棫樸日新勉勉我侯薪之標之濟濟多士不啻有之曰惟多士是訓是力敢不夙夜以思厥職爰告師氏比于大邦拔茅連茹士也惟龐師氏曰俞惟民之暨豈弟君子式廓爾類士曰勉旃毋逸於嬉毋狎於暱敬慎爾儀侯用丕顯匪怒伊教王言如絲是則是倣侯旣徂遷敢諼厥庸思樂于石賁于公宮士也不爽敬德之行奉璋峨峨以載厥聲我庸作歌毋俾怠遑式告來者視此銘章侯名

忠字子上楚蘄人萬曆乙卯秋九月

又

顏廷榘尊經閣記

永春縣學宮舊無尊經閣作之自今令范侯始侯由明經高弟典教分宜用巡按監察御史薦擢永春令治尙經術敦教化每臨學輒言孔子刪述六經爲萬世立教尊經尊孔子之教也乃邑儉不作經閣責在令今作之審度惟先師廟後地宜乃教諭陶先生宅在焉先生曰清廟於穆不可以居室徙之宜乃捐俸以倡而諸生父兄亦翕然應之乃建閣高三丈二尺廣六丈有奇經始於丁未冬十一月十一日明年秋七月告成侯與二博士暨鄉紳黃耆燕而落之諸生咸集謂斯千載勝事不可無記屬陋巷生廷榘載筆顧生耄矣惡能文

惟昔伏氏沒齒傳經生經生也嘗聞其義矣夫在天有五德之星在人有五常之性其道寓諸六經堯舜禹湯文武之爲君禹皋伊周之爲臣孔子之爲師皆在乎此故學者宗之宗之故尊之昔子思作中庸述仲尼之言曰素隱行怪後世有述焉吾弗爲之矣遵道而行半塗而廢吾弗能已矣夫弗已尊經也弗爲亦尊經也弗爲而爲經始亂弗已而已經始荒是之謂弗尊今儒門而談佛老藉經術而謀利祿謂之能尊可乎志學之士當有以處此矣是役也李叔玄學憲爲侯經畫拓地旣成致書於大學士李九我公自京發書助金曰子弟廷柱嘗執經校中也公以經學名於世造士其盛心卽以

永春縣志

卷七

建築志

十八

生言告亦必曰然予在燕旣賦詩六章其卒章以頌侯又因諸生之請作是記勒石侯名時化字遇卿號景麓東粵儋人又譚昌言永春拓建學宮記 歲庚申夏予以校士蒞泉泉屬邑永春以牒請則其邑長者太常李公泊其仲兄孝廉君所嚴治學宮事也據牒拓基若干輪葺殿廡創啓聖鄉賢祠若干楹始末釀金若干兩閱歲落成所稱護車拭履茲足千古矣泉郡以諸名家重春邑近以李氏爲泉郡重而絃誦衣冠豆登飲射之地湫庠摧蝕夷於蘧宿於觀文化成之道將無疚焉此李氏世美嗣興作宮牆呵護非直爲屑瑟曼壘也邇者瞽宗俎豆幾屬薦紳家享予感慨祀事之濫比於學宮

之類所聞太常有道實儀鄉國惜學宮新而太常故猶幸崇尸祝以永範型是役也爰景先正爰紹聖真詎止興學之烈足賁人文而萃黻冕哉太常公諱開藻孝廉君名開芬邑令

周君名午慶並襄斯績有裨肅瞻宜勒貞珉用式來禩

據省志係

泰昌元年鄭杜二志均不清詳茲据杜志分注補入

富鴻業

晉江人

鼎修永春縣學碑

記 教化之盛衰視乎世之治亂與其人之賢否而立學建廟之意因以輕重於其間三代時立學其見於紀乘者禮樂刑政鄉射飲酒讀法宏綱繁目凡所以教民之具無不出其中也漢以來歷代褒崇先聖恪恭祀典而於長養天下賢智忠節之士上自公孤卿相下至熊熊桓桓為國家立勛効節

永春縣志

卷七

建築志

十九

者無不致功於學蓋學重而廟始益重自京師而郡邑而州衛咸承式從事焉顧年世治亂不常其間或頽圯委敝祀事闕焉不章人有輕視學宮之思噫此豈其時使之然哉抑課督經營倡率難其人與永邑建學舊在縣治之西郊二里許地名官田嶂列大鵬山川繚繞窈深而挺秀有宋人文雄視七邑迨明世宗時廟遭兵燹邑侯謝君裘移建縣治中城南與舊學故址同原大鵬山人文蔚起比美有宋而宮詹羹若莊先生遂以兩元名世後之過故丘者既仰昔時之人文而肅新宮者又往往嘆惜謝君之賢也我國家定鼎之初斯地頗蕪於海鯨學宮幾鞠為茂草今邑侯馬公慨然念廟宇僅

存明倫堂廡齋久墮偕前後廣文林君黃君捐俸鳩工董役於是新其朽敗澤以丹堊廟貌翼如講堂堅好更構東西廡拓左右齋以崇先獎後焉自甲午來踵魁賢書者六而穀武雋者如之凡養老勞農選言考藝諸大政莫不於茲焉是聽學宮俎豆聿新昔所云士淳民愿商慤女侗教化風俗之可以進於古者庶幾於侯焉見之侯當茲右文之世而能修行教化大務將永永之士遵宮牆者皆如望旌旄隨軒車相與勉爲真材以鳴一代之盛然則侯信賢已哉于時乙巳之春天子聞侯治績以虞部召入將有日矣邑人士感侯薪樵積勞有年乃屬予爲之記余旣美侯盛舉又重諸士請因摭往

碑述沿革筆其事以告來者侯名生鱗山西垣曲人廣文林君鴻漸福清人黃君中色邵武人助鏹督工義民鄭思中例得並書康熙四年夏四月又陳遷鶴重修啓聖祠碑記 今天子崇文重道自先聖先賢以逮諸儒之有功於斯道者錫匾額建書院復詔所在有司修學宮厲文治誠以舜禹湯武代皆立學以祀先師自漢迄今則皆宗師孔子而遊其門仞以陶淑於詩書禮樂之教而相與勉爲公卿大夫之材者豎節立勛經文緯武胥於是乎出也永之學原在西郊之官田市後徙治之東偏其間因仍改革志詳之已鼎興以來邑大夫壺丘馬公曾一修建越今四十餘載簷牙剝落殿隅委墮

官斯土者朔望瞻拜爲之愀然而未卽以修建舉其事者惟我璞菴曹侯簪纓世胄來牧是邦勸學造士務本勞農固已政通人和百廢俱新矣尤念聖人爲人所天殿宇不整無以聳風教而啓聖爲萃毓之本風雨飄搖殊非所以展聖孝而妥其靈爰進廣文兩先生及諸紳士謀所以修之若者更新若者補葺捐俸庀工剋日經始維時量度指揮朝夕罔懈者廣文林君青選黃君芳鉉實董厥役而伐木鳩鏹則太學王君維典周君佐黃君用震顏君中樞文學尤君鳳翔顏君應灝俱有成勞焉落成予通家子孝廉周君宗濂偕諸人士屬予爲文以記予嘗論學校爲毓材之區而廟宇實崇聖之地

故學重則廟重古循吏如仇覽文翁諸君子其所以稱上考而動褒嘉者治績固多而要惟是建學興文廣棫樸以茂薪樗爲更要耳程子云十室達於黨遂當修其庠序之制爲之立師以一道德以古之言證古之治誠有異世同揆者况侯當右文之代而留心聖域勤丹牘而詠思樂乃復如此異日璽書褒美取侯治行以爲天下風予忝列珥筆得以紀載揚侯績不亦儒化翔洽聲施奕禩哉宮牆數仞美富依然侯實倡之厥功爛焉侯名鑛字文融號璞菴順天豐潤縣人康熙甲申秋八月記又 廖騰燿重建永春縣學宮碑記 皇上御極五十三載崇儒重道超軼古今親詣闕里聿光聖典御書

匾額諸贊頒行天下王言綸綉宸翰輝煌凡屬百爾臣工仰體聖心崇修學校雖屬薄海攸同而實力奉行者恆不多覲甲午之春桃源王公廷聘手書邑侯石公愛民禮士興利除弊惠政多端而其敦本澄源育人材而維風化首在鼎新文廟索記於予會有客自閩來予復詢其概客曰永之學宮舊在西郊官田市後改遷治東歷任邑侯屢更修葺廟貌依然略無傾頽狀故我侯石公蒞任來朔望瞻謁輒歡然自得謂廣文張君昇曰昔予令西蜀之長壽修葺文廟幾竭數載經營方獲告竣今永邑聖殿峨峨如此可無他慮矣詎癸巳仲夏八日風雨驟狂殿宇隕塌公毅然曰是吾任也因謀諸紳

士相度鳩工公先捐俸毫不染累里民首事者光祿王公廷聘太學王君維典尤君元會文學鄭君章璧捐貲最厚而王君維典偕男文學應鎬太學生應鑰躬任艱鉅寒暑靡間尤與公竭盡心力繼以新任廣文吳君昌炳者相與贊勸而通邑人士亦共相義助百工施巧藝匠呈能黽勉踴躍皆無不以公之心爲心以故數月之間畫棟雕栴繡棟愈於前日而且尊俎籩豆鐘鼓笙鏞干羽籥翟無不彰彰畢備回思我公慘淡經營至此蓋已大費精神矣是役也建工癸巳之夏落成甲午之春其興修顛末如此予不禁肅然起敬曰洵如子言公誠聖人之徒是聖人之靈佑我公故廟有待於公而後

興豈特實心供職爲當世之良有司已哉夫公閱閱名家循良政績遠近推崇今日者公之兄方伯公開藩我九閩公迴避在邇遙知永民臥轍攀轅有借寇之思公聲施所播世將師之輶軒所采史將載之毋煩予贅惟是尊崇學校敦本原以維風化仰宣聖天子德意如是予敢不記其事以詔來茲用勒貞珉以垂永久侯名如金字汝礪別號毅公正白旗滿洲長白人康熙甲午夏四月又姚任道重修文廟碑記 國家重道崇儒文廟之設徧天下之郡邑又推而上之則崇聖有祠類而及之則從祀有廡皆本所以祀夫子之意而祀之右文之典至詳備也永之文廟自明嘉靖季年定地於治之

東歷於本朝修葺數次近則惟大成殿奕然未改舊觀餘俱不無頽敝者乾隆四十五年署牧鄭公與司馬王公議重修之遴董事十有六人分途募捐共襄厥役遂以十一月初旬興工未匝月而鄭公以憂去前牧劉公回任協同王公加意催辦歷一年又以署郡篆赴汀余奉委來視州事廟工猶未就而所募之資已不繼矣余曰此教化首務也不可以垂成竟止則商於王公進董事職監鄭生良泉而獎勸之鄭生勇於義慨然引以自任遂捐金葺其事總計所動工崇聖祠則恢拓而重建之兩廡及戟門并附祀之名宦鄉賢忠義各祠敬一亭尊經閣一切更新而華美之擎園橋於泮池而內外

院庭悉平石如砥礪星門及外牆一帶俱增高而致飾自是瞻仰之際煥然改觀矣顧思文廟之設非徒爲美觀已也將以興學育才而風化郡邑也修其文必求其實遊斯門者務須飭躬砥行抱仁蹈義備具體用不愧爲聖人之徒庶幾出則爲鄉黨儀型出則爲民物利賴學成於己而道徵於世斯則修廟之舉所殷殷致望之深意焉耳是役也竣事於四十七年六月前後共費銀四千四百四十一圓而出自鄭生者四百六十有六任監督者學博江君漳趙君連城實始終之

又姚棻

桐城人

重修大成殿記學者取法聖人期於明體達用故宦跡所履胥以尊崇聖德愛士興學爲重不在能言在乎

永春縣志

卷七

建築志

二十四

有以行之見諸實事也桃源刺史鄭子雪蕉爲吾鄉名宿筮仕閩之連城時余觀察汀漳連故屬邑得與鄭子處最久知最深其蒞連也以經術飾吏治建培元書院爲諸生鼓篋地朱石君閣部重其愛士嘗作文以泐石而余爲篆額居五載教化上揚以卓異入覲調任南平劇邑尋膺保題出牧永春謁廟之初睹聖殿傾頹卽慨然捐俸爲通州倡經畫黽皇量日鳩治鼎建大成殿丹堊重施輪奐增美宮牆美富可於此日觀之矣聞前牧姚鄭諸君於乾隆四十七年建崇聖祠葺敬一亭及忠義祠獨以聖殿規模尙未就頹故因仍舊制鄭子見夫體之未肅也厚植其基升其榱桷高三數尺許磨礪

鏤刻金碧燦爛夫然後極大觀而麗雲日戟門之左丹樹凌霄廟工落成奇花四照以視五色雲見無寧異是從此卜鵬山才藪蔚爲盛世之文明者其何涯矣耶鄭子以實心行實政經始垂成不越一載又重修州乘新古蹟搆名亭政聲卓卓冠於全閩寧第桃源人士道載口碑已哉余自遷臬粵東與鄭子別有年矣而魚雁時通顛末極稔近書來囑余文余以雪蕉之經濟本乎學問特舉其大者而言若夫土木之數資費之多自別詳記而踴躍首公庀材督理者如紳士顏汝霖鄭宗茂黃士秀顏秉均鄭良泉顏光治鄭中桂顏士龍魏廷晟王棠鄭成填林文衛孫雲從鄭龍騰而宣勤夙夜終始

永春縣志

卷七

建築志

二十五

厥役者又博士顏君汝霖爲最焉例得備書乾隆五十二年三月吉日

黃坂巡檢司在一都黃坂村乾隆元年知州杜昌丁建

遊擊署在東門內卽駐防把總舊汛乾隆五年知州杜昌丁廓民居鼎建

駐防把總汛在遊擊署北

沙州湖洋上場黃坂把總汛共四所俱乾隆五年建

演武亭在西門外西壩內乾隆五十一年知州鄭一崧新建教場馬道四至官地勒於石碑

興泉道行署明洪武九年建後廢

府館明嘉靖五年建後廢

坊表

德政坊興仁坊俱在州治前

興賢毓秀二坊在儒學東西

聚奎毓秀二坊在櫺星門外毓秀坊久廢乾隆十年知州杜昌

丁重建

憩棠坊爲名宦立

聯奎坊在州治爲鄉賢王胄等立

尙書坊爲刑部尙書黃光昇立

純孝坊宋旌孝子失其名

永春縣志

卷七

建築志

二十六

桃源坊在州門左

龍津坊舊名通津在治南宋淳祐間立

蓬壺坊在七都元至大間立

章武坊在十四都宋大觀間立

仙華坊在二三都宋嘉定間立

正順坊在二十五都元大德間立

兩制坊爲宋侍郎莊夏立

亞魁坊爲宋司業陳晉接立

兩優釋褐坊爲宋尙書顏棫立

興賢坊爲顏耆立

省元坊在儒學西爲宋王胄立

魁武坊爲宋武舉陳驤建

世科坊在十都爲宋陳彥聖知柔樸模等相繼登第建

登雲坊爲明舉人黃昶建

繼美坊爲明舉人莊熙建

樂育坊 賓興坊 失考

京魁坊爲明舉人鄭莊彥建

義門坊爲十二世同居陳庸建在文昌閣之左久圯僅存石柱

一刻陳氏十二世同居數字

尙義坊明成化間爲義民陳茂立建子端相繼賑飢立碑

永春縣志

卷七 建築志

二十七

長者坊在太平隔爲李應辰建

世德流光坊在十五都前園爲明李陽初一門建

盛朝人瑞坊在長安鄉爲百歲婦戴門陳氏建

節孝坊在十四都羅洋爲鄭日鎮妻陳氏建

苦節坊在內嶺爲李漢中繼妻尤氏建

烈婦坊在桂庵山麓爲許朝槐妻黃氏建

孝節坊在雲峯爲林國瑚妻黃氏建

節孝坊在上場堡外爲顏弼才妻尤氏建

烈婦坊爲盛氏立 當卽義士顏兆榮妻 明時建 當是柴公鏞所建也舊志失攷

節婦坊爲高林妻鄭氏建 以上舊志

清節坊爲鄭禮涯未婚妻張氏建

節烈坊爲林品華妻黃氏建

節孝坊爲林得眼妻王氏建

永春縣志

卷七

建築志

二十八